




**ЯКАФИСТ
СВЯТОМУ АРХАНГЕЛУ
МИХАНЛУ**



АКАФИСТ
СВЯТОМУ АРХАНГЕЛУ
МИХАИЛУ



Болгар



Акафист святому Архангелу Михаилу

Кондак 1

Избранный Небесных сил воеводо и
рода человеческого заступниче, сие тебе,
иже тобою от скорбных избавляеми, бла-
годарственное приносим пение; ты же,
яко предстоиши Престолу Царя Славы, от
всяких нас бед свободай, да с верою и
любовию в похвалу тебе зовем:

**Радуйся, Михайле, великий Архистра-
тиже, со всеми Небесными силами.**

Икос 1

Яко ангельских огнезрачных ликов
предстоятеля, ангельскими убо и языки
подобаше восхвалити тя, Михайле; но



дóндеже вразумляемии тобóю навы́кнем
безплóтных глагóлом, услы́ши, а́ще и от
человéческих, обáче благодарных устéн,
сицевáя:

Рáдуйся, звездó мíра первоóбразная;
рáдуйся, свещé йстины и прáвды златозáрная.

Рáдуйся, лучéй свéта несоздáннаго
пéрвый во а́нгельских ликостоя́ниях
приёмниче; рáдуйся, а́нгелов начальниче.

Рáдуйся, в нем же наивя́ще светлéется
сла́ва Творческия Десни́цы; рáдуйся,
ймже красúются собóры всех существ
безплóтных.

Рáдуйся, Миха́йле, вели́кий Архистрати́же, со все́ми Небéсными сíлами.

Кондак 2

Прови́дяще вéры очесы́ вели́чие ду-
хóвныя красоты́ и сíлу молниенóсныя
десни́цы твоея́, Арха́нгеле Бóжий, мы,
я́ко земни́и и плóтию обложéннии, удив-
лэ́нием, рáдостию и благодарéнием ко



Творцú всяческих исполняемся, зову́ще со все́ми Небе́сными си́лами: **Аллилу́иа.**

Икос 2

Ра́зум чи́ст и свобо́ден от страсте́й испроси́ нам, пречу́дный Михаи́ле, Небе́сных чино́в нача́льниче, да, возне́сшеся мы́слию от земны́х к Небе́сным, хвалёбную пёснь воспоём ти си́це:

Ра́дуйся, Бо́жия неизрече́нная красоты́ и добро́ты ближа́йший зри́телю; ра́дуйся, всеблагих сове́тов в Пресвяты́я Тро́ицы преи́скренний тайнниче.

Ра́дуйся, преве́чных суде́б Тро́ических ве́рный исполнители́; ра́дуйся, ему́же с любóвию удивля́ются Небе́сная воинства.

Ра́дуйся, егóже с ве́рою прославля́ют земноро́днии; ра́дуйся, егóже трепещут а́дския си́лы.

Ра́дуйся, Михаи́ле, вели́кий Архистрати́же, со все́ми Небе́сными си́лами.



Кондак 3

Сілу необорі́мья ре́вности по сла́ве Бо́жией в себѣ явля́я, стал еси́ во главѣ́ ли́ков а́нгельских, Михаі́ле, проти́ву ды́шащаго зло́бою прегорда́го денни́цы, е́му же со те́мными клеврѣ́ты е́го с вы́соты небе́сныя в преиспо́днюю низве́ржену сущу́, во́инства Небе́сная, тобо́ю пресла́вне воді́мая, с весе́лием, я́ко еди́ными усты́, пред Престо́лом Бо́жиим возгласи́ша: Аллилу́иа.

Икос 3

И́мать тебѣ́, Арха́нгеле Михаі́ле, весь род христиа́нский вели́ка засту́пника и дивна́ во бра́нех с проти́вными помо́щника; сего́ ра́ди пречу́днаго покрóва твоего́ сподо́битися жела́юще, в день торже́ства твоего́ взыва́ем ти си́це:

Ра́дуйся, імже сатана́, я́ко мо́лния, с небесе́ низве́ржеся; ра́дуйся, імже храни́мый род челове́ческий к небеси́ восхо́дит.

Ра́дуйся, все́свѣтлаго мира Го́рняго преді́вное украше́ние; ра́дуйся, па́д-



шаго міра дóльняго пресла́вное за-
ступле́ние.

Ра́дуйся, нико́лиже си́лами зла побеж-
де́нный; ра́дуйся, со все́ми а́нгелы Бо́-
жиими в і́стине и пра́вде на ве́ки бла-
годáтию Бо́жиею утвержде́нный.

**Ра́дуйся, Михаі́ле, вели́кий Архистра-
ти́же, со все́ми Небе́сными си́лами.**

Кондак 4

Бу́ри искуше́ний и бед изба́ви нас, а́н-
гелов первопресто́льниче, с любóвию и
ра́достью пресвѣ́тлое торже́ство твоѣ со-
верша́ющих; ты бо еси́ в беда́х вели́кий
помо́щник и в час сме́рти от злых духо́в
храни́тель и заступ́ник всех, вопи́ющих
твоему́ и на́шему Влады́це и Бо́гу: Алли-
лу́иа.

Икос 4

Ви́дяще твоѣ проти́ву по́лчищ сатани́н-
ских дерзнове́ние, вси чи́нове а́нгельстии
с ра́достью подвиго́шася во след тебе́ на
брань за і́мя и сла́ву своего́ Влады́ки, во-
пи́юще: кто я́ко Бог? Мы же, ве́дуще са-



тану́ под нога́ма тво́йма повѣржена, тебѣ,
яко победителю, зовѣм:

Ра́дуйся, імже мир и тишина́ на небесі
водвори́шася; ра́дуйся, от негѣже ду́-
хове злѣбы да́же до а́да низложи́шася.
Ра́дуйся, а́нгельскія во́инства и сі́лы
міра неві́димаго ко истреблѣнію зла
направля́яй; ра́дуйся, прю и возмуще́-
ние стихій міра ві́димаго незримо
укроща́яй.

Ра́дуйся, подѣмлющих брань к духо-
во́м злѣбы поднебѣ́сным дивный спо-
бо́рниче; ра́дуйся, изнемога́ющих во
искуше́ниях и напáстех вѣка сегó крѣп-
кий помо́щниче.

**Ра́дуйся, Михаі́ле, вели́кий Архистра-
ти́же, со все́ми Небѣ́сными сі́лами.**

Кондак 5

Богото́чный исто́чник превели́ких
чудѣс яви́лся еси́ во хра́ме твоѣм, іже
в Хо́нех; не то́чию бо зми́й вели́кий и стра́ш-
ный, на мѣсте том пребыва́вый, сі́лою
твоѣю потребі́ся, но и стру́и водны́я,
всякій недуг телѣ́сный врачую́щія, от-



кры́шася, да всѣ́ прославля́ющему тя Вла-
ды́ще А́нгелов с ве́рою зову́т: Аллилу́иа.

Икос 5

Слы́шаще и ве́дуще тя я́ко свети́ло
вели́кое, посреде́ ли́ков а́нгельских блис-
та́ющася, пречу́дный Михаи́ле, к тебе́, по
Бо́же и Пресвяте́й Ма́тери Бо́жией, при-
бега́ем — озари́ луча́ми све́та твоего́ всех
нас, вопи́ющих ти си́це:

Ра́дуйся, вождю́ и храните́лю в пусты-
ни наро́да богоизбра́ннаго; ра́дуйся,
высо́кий посре́днике зако́на, руко́ю
Моисе́я на Сина́и да́ннаго.

Ра́дуйся, у него́же суди́и и вожди́ Из-
раи́левы си́лу и покрóв обрета́ху; ра́-
дуйся, чрез него́же проро́цы и перво-
свяще́нницы иуде́йстии дар ве́дения от
Всеве́дущаго Бо́га приима́ху.

Ра́дуйся, богобоя́зненные законода́в-
цы та́йною прему́дростию снабдева́й;
ра́дуйся, суд и пра́вду творя́щим бла́-
гость на се́рдце полага́й.

**Ра́дуйся, Михаи́ле, вели́кий Архистра-
ти́же, со все́ми Небе́сными си́лами.**





Кондак 6

Провозвѣстника тя Бóжиих судѣб егда узрѣ некогда Манóе, недоумѣния и страха испóлнися, мне не жíti ктому́ на землѣ; научѣн же от жены́ своея́ о благасти явлѣния и крóтости словѣс твои́х, в радости о имѣвшем родѣтися, по словеси́ твоemú, сыне своем Сампсóне, благодарне возопѣ Бóгу: Аллилу́иа.

Икос 6

Возсия́л еси́ пречúдно сла́вою, Михаи́ле, егда́ во óбразе челове́честе пред Иисúсом Нави́ном стал еси́, глаго́ля: «Иззуй сапо́г с ногú твоeю, аз есмь Архистра́тиг си́лы Господни». Таковóму явлѣнию твоemú чудя́щися, с любóвию вопи́ем ти: Рáдуйся, боговенча́нных глав неусы́пный охраните́лю; рáдуйся, противля́ющихся вла́сти, я́ко Бóжию повелѣнию протѣвля́щихся, ско́рый низложите́лю. Рáдуйся, усмирите́лю наро́дных трево́лнений; рáдуйся, незрѣ́мый упраздните́лю злочестѣ́вых обы́чаев.



Ра́дуйся, я́ко ты просвеща́еши сумня́щихся в час лю́тых недоуме́ний; ра́дуйся, я́ко ты исхища́еши искуша́емых от пагубоно́сных наважде́ний.

Ра́дуйся, Михаи́ле, вели́кий Архистрати́же, со все́ми Небе́сными силами.

Кондак 7

Хотя́й Влады́ка вся́ческих показа́ти, я́ко жре́бии сыно́в челове́ческих не само́случа́йнии суть, но в Десни́це Его́ вы́ну содержа́тся, даде́ ты ца́рствам земны́м засту́пника и храните́ля, да племена́ и наро́ды к ве́чному Ца́рствию Бо́жию уготовля́еши; сего́ ра́ди вси, ве́дущии о вели́цем служе́нии твоём спасе́нию челове́ческому, благода́рне зову́т Бо́гу: **Аллилу́иа.**

Икос 7

Но́вая чудеса́ показа́ нам, Архистрати́же, тобо́ю на земли́ всех чудес Творе́ц и Влады́ка, егда́ хра́м, во и́мя твоё созданны́й, от потопле́ния вода́ми речны́ми дивно спа́сл еси́, струя́м пото́ка в не́дра зем-



на́я устремі́тися повелѣ́вый; е́же ви́дя
блаже́нный Архи́пп с духо́вными ча́ды
сво́ими, благода́рне к тебѣ́ возопі́:

Ра́дуйся, святы́х хра́мов Бо́жиих не-
сокруши́мая огра́до; ра́дуйся, враго́м
ве́ры Христо́вы необори́мая прегра́до.
Ра́дуйся, егóже велѣ́нию стихі́и поко-
ря́ются; ра́дуйся, імже́ вси зло́бнии
за́мыслы сокруша́ются.

Ра́дуйся, ве́рным ра́дость от Престо́-
ла Вседержі́теля износя́щий; ра́дуйся,
неве́рных на стезю́ пра́вды и і́стины
приводя́щий.

**Ра́дуйся, Михаі́ле, вели́кий Архистра-
ти́же, со все́ми Небе́сными сі́лами.**

Кондак 8

Стра́нное чу́до сі́лы твоея́, Архистра-
ти́же Бо́жий, увѣде́ на себѣ́ Авваку́м, егда́
по ма́нию Бо́жию восхиті́в, принёсл еси́
его́ скороте́чне от Иуде́и в Вавило́н, да́ти
пи́щу Даниі́лу, в ро́ве со львы́ заключе́-
ну; те́мже уди́влься превели́кому де́й-
ствию́ сі́лы твоея́, возопі́ с ве́рою: **Алли-
лу́иа.**



Икос 8

Весь еси в вышних, Михайле, Престолу Царя Славы предстои, не далек еси и от нижних, ратуя выну со врагами спасения человеческого; темже вси, вождельнаго Отечества Небеснаго достигнути хотящи, согласно тебе зовут:

Радуйся, начальниче трисвятаго ангельскаго пения; радуйся, земнородных присно готовый предстателю и хранителю.

Радуйся, прегордаго фараона с неверными египтяны поразивый страннообразно; радуйся, верныя иудеи путеводивый в пустыни преславно.

Радуйся, имже угасися пламень пещи вавилонския.

Радуйся, Михайле, великий Архистратиге, со всеми Небесными силами.

Кондак 9

Вси иноцы Святыя Горы Афонския в радостный трепет приидоша, видяще, како богобоязненна отрока, неистовно от



нечестивых златолюбцев во глубину морскую с камнем повержена, спасл еси; тем же приявшая его обитель, именем твоим красующися, благодарне взывает ко Господу: **Аллилуиа.**

Икос 9

Ветий глаголы и любомудров смыслы не довлеют ко изглаголанию силы твоея, Михайле, како во едину ночь сто осьмьдесят и пять тысяч поразил еси от воев царя ассирийска Сennaхирима, да накажется прочее не хулити Имя Господне; мы же, почитающе святую ревность твою о славе Бога Истиннаго, с веселием зовем ти сице:

Радуйся, православных воинств непобедимый воеводо; радуйся, зловерных ратей страх и низложение.

Радуйся, правыя веры и богочитания насадителю; радуйся, душевредных ересей и расколов искоренителю.

Радуйся, благочестивыя Маккавеи на поле брани многажды укрепивый;



**ра́дуйся, нечестіваго вождя Антио́хова
Илиодо́ра в самѣм хра́ме порази́вый.
Ра́дуйся, Михаі́ле, вели́кий Архистра-
ти́же, со все́ми Небе́сными си́лами.**

Кондак 10

**Спасти́ся хотя́щим нам бу́ди помо́щник
тверд, Архистрати́же Бо́жий, избавля́й
и храня́й нас от бед и напа́стей, па́че же
от злых на́выков и грехо́в на́ших, да пре-
спева́юще в ве́ре, наде́жде и любви́ Хри-
сто́ве, с ра́достью о преді́внем заступле́-
нии твоѣм ко Влады́це А́нгелов и челове́-
ков благода́рне зове́м: Аллилу́иа.**

Икос 10

**Стена́ еси́ ве́рующим челове́ком, Ар-
хистрати́же Бо́жий, и сто́лп кре́пок во
бра́нех со врага́ми ви́димыми и неви́димы-
ми; сего́ ра́ди от сетей бесо́вских тобо́ю
избавля́еми, благода́рным се́рдцем и усты́
зове́м си́це:**

**Ра́дуйся, враго́м ве́ры и сопроти́вни-
ком Святы́я Це́ркве непобеди́мый про-**



тивоборниче; радуйся, смиренным провозвѣстником Евангелиа неустоимый споспѣшниче.

Радуйся, во тьме зловерия сидящих светом веры Христовы просвещаяй; радуйся, лжемудрием обюродивших на стезю истины и покаяния наставляяй.

Радуйся, грозный отмстителю кленущимся Именем Божиим все; радуйся, молниеносный карателю глумящихся безумне о таинствах святыя веры.

Радуйся, Михайле, великий Архистратиге, со всеми Небесными силами.

Кондак 11

Пение всякое хвалѣбное побеждается множеством чудес твоих, Архистратиге Божий, яко совершена суть тобою не точию на небеси и на земли, но и в темных сенех преисподней, идеже глубиннаго змия связал еси узами силы Господней, да избавляеми от злобы его благословят Владыку небес и земли, зовуще: **Аллилуиа.**



Икос 11

Светоно́сный служи́тель и́стины и чи-
стоты́ богопочита́ния яви́лся еси́, Архи-
страти́же, егда́, прови́дя ко́зни ду́ха тьмы,
воспрети́л еси́ ему́ И́менем Бо́жиим, да не
дерзнёт сокрове́нное те́ло почи́вшаго
вождя́ Изра́илева Моисе́а явити́ ко обо-
же́нию чу́вственным сы́новом Изра́иле-
вым; сего́ ра́ди, чту́ще ны́не благосве́тлый
собо́р тво́й, благодарне вопи́ем ти:

Ра́дуйся, чистоту́ богове́дения во дни
Ве́тхаго За́вета среди́ иудеев сохра-
ни́вый; ра́дуйся, плéвелы заблужде́ний
во дни Но́вья Благода́ти мно́гажды ис-
корени́вый.

Ра́дуйся, язы́ческих прорица́лиц и ку-
ми́ров истреби́телю; ра́дуйся, христиа́н-
ских подви́жников и страсоте́рпцев ук-
репи́телю.

Ра́дуйся, немощны́я ду́хом си́лою бла-
годати́ Бо́жия исполня́й; ра́дуйся, из-
немога́ющия плóтию всеору́жием ве́ры
облека́й.

**Ра́дуйся, Михаи́ле, вели́кий Архистра-
ти́же, со все́ми Небе́сными си́лами.**



Кондак 12

Благода́ть от Бо́га с небесе́ испроси́ нам, пою́щим во сла́ву всечестна́го и́мене твоего́, Михаи́ле, да, осеня́еми твои́м заступле́нием, во вся́ком благоче́стии и чистоте́ поживе́м, до́ндеже, отреше́ннии сме́ртию от уз плóти, сподо́бимся предста́ти огнезра́чному Престо́лу Царя́ Сла́вы и с ли́ки а́нгельскими возопи́ти: **Аллилу́иа.**

Икос 12

Пою́ще многообра́зная твоя́ чудеса́, Михаи́ле, во спасе́ние на́ше содея́нная, мо́лим Го́спода и Влады́ку вся́ческих, да дух ре́вности по сла́ве Бо́жией, и́же в тебе́, николи́же оскуде́ет и в нас, зову́щих ти си́це:

Ра́дуйся, ве́рных рабо́в Бо́жиих во вре́мя благопотре́бно на высоту́ вла́сти предивне поставля́яй; ра́дуйся, проде́рзых и недосто́йных с высоты́ си́лы и сла́вы незримо низлагáяй.

Ра́дуйся, в день послéдний избра́нных от четырёх концевъ земли́ имéяй собра́-



ти; радуйся, ѿмже грѣшныя, яко плѣвелы, по гласу Божію огню вѣчному преданы будут.

Радуйся, ѿмже сатана со ангелы его во ѣзеро огненное на вѣки повергнется; радуйся, ѿмже праведнии во обителях Отца Небеснаго преславно водворятся.

Радуйся, Михайле, великій Архистратіже, со всіми Небесными сілами.

Кондак 13

О пречудный Архангелов и Ангелов начальниче, за предивное служение твоё спасению рода человеческого прими от нас возносимый к тебе ныне глас хвалы и благодарения, и, яко исполнь силы Божией, покрый нас невещественными крылами твоими от всех враг видимых и невидимых, да прославляемому тобою и прославившему тя Господу выну зовём: Аллилуиа.

(Этот кондак читается трижды).



Икос 1

Я́ко а́нгельских огнезра́чных ли́ков
предсто́ятеля, а́нгельскими у́бо и язы́ки
подоба́ше восхва́лити тя, Михаи́ле; но
до́ндеже вразумля́емии тобо́ю навы́кнем
безплóтных глаго́лом, услы́ши, а́ще и от
челове́ческих, о́баче благода́рных усте́н,
сицевáя:

Ра́дуйся, звездó ми́ра первоо́бразная;
ра́дуйся, свещé и́стины и пра́вды злато-
зарная.

Ра́дуйся, лучéй свéта несозда́ннаго
пе́рвый во а́нгельских ликостоя́ниях
приёмниче; ра́дуйся, а́нгелов нача́ль-
ниче.

Ра́дуйся, в нем же наивя́ще светле́-
ется сла́ва Тво́рческаго Десни́цы; ра́-
дуйся, и́мже красуются собо́ры всех
сущéств безплóтных.

**Ра́дуйся, Михаи́ле, вели́кий Архистра-
ти́же, со все́ми Небе́сными си́лами.**

Кондак 1

Избра́нный Небе́сных сил воево́до и
ро́да челове́ческаго заступниче, сиé тебе́,



и́же тобо́ю от ско́рбных избавля́еми, бла-
годáрственное прино́сим пéние; ты же,
я́ко предсто́яй Престо́лу Царя́ Сла́вы, от
вся́ких нас бед свобождáй, да с ве́рою и
любо́вию в похвалу́ тебé зове́м:

**Ра́дуйся, Миха́йле, вели́кий Архистра-
ти́же, со все́ми Небе́сными си́лами.**

Молитва

Святы́й и вели́кий Арха́нгеле Бо́жий Ми-
хай́ле, неисповедимы́я и пресу́щественны́я
Тро́ицы пёрвый во А́нгелех предсто́ятелю,
ро́да же челове́ческаго приста́вниче и хра-
ни́телю, сокруши́вый с во́инства свои́ми
главу́ прегорда́го денни́цы на небеси́ и по-
срамля́яй вы́ну зло́бу и кова́рства его́ на
земли́! К тебé прибега́ем с ве́рою и тебé
мо́лимся с любо́вию: бу́ди щит несокруши́м
и забра́ло твёрдо Святе́й Цёркви и Право-
сла́вному Оте́честву на́шему, огражда́я их
молниеносным мечём твои́м от всех враг,
ви́димых и неви́димых. Не оста́ви же, о Ар-
ха́нгеле Бо́жий, по́моцию и заступле́нием




твоим и нас, прославляющих днесь святое имя твое: се бо, аще и многогрешнии есмь, обаче не хощем в беззакониих наших погибнути, но еже обратитися ко Господу и оживленным быти от Него на дела благая. Озари убо ум наш светом лица Божия, иже выну сияет на молниевиднем челе твоём, да возможем разумети, что есть воля Божия о нас, благая и совершенная, и веди вся, яже подобает нам творити и яже презирати и оставляти. Укрепи благодатию Господнею слабую волю и немощное произволение наше, да, утвердившися в законе Господнем, престанем прочее влятися земными помыслы и похотении плоти, увлекающиеся по подобию несмысленных детей скорогибнущими красотоми мира сего, яко ради тленного и земного безумне забывают вечная и небесная. Над всеми же сими испроси нам свыше дух истинного покаяния, нелицемерную печаль по Бозе и сокрушение о гресех наших, да остающее нам число дний временного живота нашего иждивем не во угождении чувств и работе страстем нашим, но во изглаждении зол, соде-



янных нами, слезами веры и сокрушения сердечнаго, подвигами чистоты и святыми делами милосердия. Егда же приблизится час окончанія нашего, освобожденія от уз брэннаго сего телесе, не остави нас, Архангеле Божий, беззащитных противу духов злобы поднебесных, обыкших преграждати душе челоуечестей восход в Горняя, да, охраняеми тобою, безпреткновенне достигнем оных преславных селений райских, идеже несть печаль, ни въздыханіе, но жизнь безконечная, и, сподобльшесе узрети пресветлое лице Всеблагаго Господа и Владыки нашего, падше со слезами у ног Его, в радости и умилении воскликнем: слава Тебе, дражайший Искупителю наш, Иже за премногую любовь Твою к нам, недостойным, благоволил еси послати ангелы Твоя в служение спасенію нашему!

Ами́нь.



Тропарь, глас 4

Небесных воинств Архистратиге,
молим тя присно мы
недостойнии, да твоими
молитвами оградиши нас кровом
крил невещественная твоя славы;
сохраняя ны, припадающих
прилежно и вопиющих: от бед
избави ны, яко чиноначальник
вышних сил.